



UNIVERSITÄTS-
BIBLIOTHEK
PADERBORN

Universitätsbibliothek Paderborn

Libellus Sodalitatis: Hoc Est: Christianarum Institutionum Libri quinque

Coster, Franciscus

Antverpiæ, 1587

7 De cæremonijs & effectibus Extremæ Vnctionis.

[urn:nbn:de:hbz:466:1-46553](https://nbn-resolving.org/urn:nbn:de:hbz:466:1-46553)

disciplinā, vt ita demū siquid ille dixerit, qui se prius & eruditum Medicum ostenderit, & misericordem, si quid consilij dederit, facias & sequaris.

Quartū, confessio peccatorū, ad totius Reipub. redundat vtilitatem. Sicut enim externa constituuntur iudicia & tribunalia, ad continendos homines in officio, conseruandamq. publicā pacē & tranquillitatē metu pœnarū: ita hoc tribunal Sacramēti pœnitentię est institutū à Christo, vt metu diuino sincerē & ex animo iustitia ab omnibus conseruetur, atque colatur, peccata cohibeātur, vnicuiq. quod suū est restituatur, quietē viuatur, superioribus mos geratur, pauperes eleēmosynis iuuentur: quæ multo purius, solius Dei intuitu & metu fiunt, quàm timore humano.

CAPVT VII.

DE CERIMONIIS ET EFFEC-
tibus Extreme vnctionis.

EX TRE M A E V N C T I O N I S Sacramentum ob id à Christo est relictum Ecclesiæ, vt fideles sicut in ingressu in orbem Sacramento inicianur, & admittūtur: ita in egressu Sacramento iuētur & dimittātur. Et proinde cerimonix omnes eò referuntur, vt infirmus iuuetur, tum ad morbum facilius tolerandum, tū ad foelicius ex vita migrandū.

Primò itaque, multæ ad Deum funduntur preces pro infirmo, quibus diuinum auxilium imploratur.

Secur-

Secundò, inuocari solēt lectis Litanis Sancti Dei omnes, tum vt in hac extrema pugna, qua Dæmon vires omnes suas exerit, infirmus eorum præsidio muniatur, & præsentia consolationem accipiat: tum vt animam eius, quando ex hoc mundo emigrabit, comitatu suo ad beatam regiam cælestem cum triumpho deducant.

Tertiò, sacro oleo oliuarum iniunguntur per signum crucis quinq. sensuum organa, rogando vt Deus ignoscat, quicquid his sensibus commissum est mali: 1, vt intelligamus, hoc Sacramentum adhiberi per modum medicamenti, ad languorem animi curandum, sicut oleum conforat & curat debilitatē corporis: 2, quia dantur vires luctandi cum Dæmone: 3, quia gratia Spiritus sancti, quæ per oleum significari solet, confertur. Crux autē imprimitur: 1, quia hæc dona per crucis & passionis Dominicæ merita nobis conceduntur: 2, vt hoc signo in ista pugna cum Dæmone utamur, eoq. sensus nostros, ne per eos in animam irreat aduersarius, muniamus: 3, vt ad tribunal Christi iudicis, hoc signum crucis deferamus, quo declaremus, nos sub crucis vexillo constanter ad finem vsque mortalis vitæ depugnasse.

Effectus Sacramenti istius, qui à B. Iacob. 5. indicantur, ex prædictis ceremoniis non difficulter colligi possunt. Sic enim ait: *Infirmatur quis in vobis? Inducat Presbyteros Ecclesia & orent super eum, ungentes eum oleo in nomine*

mine Domini: & oratio fidei saluabit infirmum, & alleuiabit eum Dominus, & si in peccatis fuerit, remittentur ei.

Quibus verbis significat tres effectus. Primò, *oratio fidei*, hoc est, virtus Sacramēti, quod per orationem innixā fidei administratur, *saluabit infirmum*, hoc est, per gratiā Spiritus sancti infusam, saluabit animā, eā pulchritudine & miro splendore ornās: vt Dæmonibus efficiatur terribilis: vt ex hac vita migrans, per media hostium agmina intrepidē transeat: vt-
 que ad regnum cælestis gloriæ veniens, altiori loco collocetur, quā si sine hoc Sacramento migrasset. Corpus verò aliquando sanatur, quando id ad infirmi salutem expedire videtur, & sine miraculo euidēti fieri potest. quod S. Concilium Tridentinum his verbis dicit: Sanitatem corporis interdum, vbi salutis animæ expedierit, consequitur.

Secundò, *Alleuiabit eum Dominus*: Alleuiatio hæc est gratia corroborans infirmū, ad leuius ferenda incōmoda morbi, aliaq. quæ infirmis euenire solent. Nam 1, naturaliter homo metuit mortem: 2, est timor exactissimi iudicij, cuius consideratio peccatorem in desperationem deiicere posset: 3, Dæmon acrius instat, & vehementius impugnat eo tempore, quod est vltimum sui cum homine certaminis, & prout cuiusque, longa experientia, & perspicacitate naturæ, cōditionem & ingenium didicit, variis artibus vtitur, vt hunc pusillanimitate & desperatione deiiciat, illum nimia pre-

sum-

Con. Flo-
rent.

Sess. 14.
cap. 2.

sumptione attollat, alium variis occupationibus distrahat, &c. 4, Morbus ipse deprimit hominem, contristat, & vehemēter affligit, vt nō libeat de Deo rebusq. cælestibus, deq. suæ animæ salute cogitare. 5, Facillimè ad impatientiam, ad querendum, ad suspicandum, aliasq. imperfectiones mouetur ægrotus, neq. valet suis passionibus, prout conueniret, resistere. Aduersus hæc omnia incommoda iuuat hoc Sacramentum, tanquam saluberrima medicina, per quam mortis & iudicij timor minuitur, Dæmonis vires per Spiritus sancti præsentiam franguntur, animus recreatur & subleuatur, atq. ad resistendū Dæmonis, mundi, & carnis tentationibus roboratur: impediuntur vitiosi habitus per gratiā Sacramenti, ne contra rectam rationem sese exerant, ne superbia, auaritia, impatientia, aliæq. id genus prauæ affectiones animam hominis lædant. Deniq. confertur letitia interna, & consolatio spiritualis, qua homo sese manibus diuinis cōmittit, & in protectione Altissimi quiescit.

Tertiò, *Si in peccatis fuerit, remittentur illi*: hoc est: 1, remittuntur peccata venialia virtute gratiæ, quæ per Sacramentū confertur. 2, si quæ sint mortalia peccata, quorum in confessione non memineramus, per hoc Sacramentū tolluntur, per quod efficitur, vt imperfectus de peccatis dolor, propter infusam gratiā & charitatem, perficiatur: 3, minuitur, & etiā quandoque tollitur pœna, quæ mortalibus peccatis debebatur. Deniq. hoc Sacramentū est prote-

statio fidei Catholicę, in exitu vite, declarans, quod, sicut hæcæus in militante Ecclesia homo cum iustis habuit communionē: ita post-hac optet habere consortium cum sanctis in Ecclesia triumphante.

Pro Sacramento Eucharistię sufficiant ea quę superius de Missę Sacrificio, & de Fructibus, Communionis dicta sunt.

CAPVT VIII.

DE AQUA LVSTRALI
seu benedicta.

BEATVS Alexander Pontifex martyr, qui sextus post B. Petrum Romanā rexit Ecclesiā, aquę benedictę vsum non tã ipse inuenit, quã ab Apostolis traditum, obseruari ab omnibus iussit. Sic enim scribit Epitola sua prima, circa annum Domini 83. Aquam sale conspersam populis benedicimus, vt ea cuncti aspersi sanctificentur. Quod & omnibus sacerdotibus faciendum esse mandamus. Nam si cinis vitulæ aspersus populum sanctificabat, atque mundabat: quanto magis aqua, quę sale aspersa, diuinisquę precibus sacra-
Leuit. 10. crata est, populum sanctificat atq. emūdat? Et
4. Reg. 2. si sale asperso per Helizeum Prophetam, sterilitas aquę sanata est; quanto magis diuinis precibus sacra aqua, sterilitatem rerum aufert humanarum, & coinquinos sanctificat atq. purgat, & cætera bona multiplicat, & inuidias Diaboli auertit, & à phantasmatum venturiis hominem defendit.

Quod